

U CAPURALE

O signore ch'ì nutizia, hè ghjuntu per u batellu
U figliolu di Letizia, ch'ì ghjè guasi culunellu
Hà mandatu per piglialu, eri mane à la cità
U so caritellu ghjallu, cù a sumera di Natà

Ripigliu...

O signore, cosa ci hè, ma cosa ci hè, ma cosa ci hè in stu paese ?

Dicenu ch'hè ghjuntu André sta mane per lu batè

A so mamma ùn pò più sta, ma cosa ci hè, mà cosa hà ?

Ghjunchje da a terra cinese

A so mamma un pò più stà, ma cose ci hè, mà cosa hà ?

Pare ch'ellu hè capurà

Hè scalatu avanti notte, cù una tenuta fiamente
Saluta le ghjuvanotte, è dice à ch'ì vole sente
C'est trois mois que je voyage, sans avoir le mal de mer
J'ai risigué de faire naufrage, le bateau montait en l'air

Ripigliu...

Tene i so bracci stichiti, per mustrà li so galloni
È si vede ind'è so diti, anellucci è anellone
A so mamma hè scimita, è di vedelu cusì
Li sussur'intenerita, ùn si fattu per stà quì

Ripigliu...

U merre prontu ghjelosu, prega ch'ellu parti via
Ch'ì st'omu periculosu, pò caccialli la merria
A donna senza maritu, n'ùn si pò addurmintà
Eccuci un bellu partitu, ch'ùn ci vole lascià scappà

Ripigliu...